



სურსათის ეროვნული სააგენტო

ელექტრონული ტენდერი

**ფარმაცევტული პროდუქტები
CPV 33600000**

**ვაქცინები ვეტერინარული მედიცინისთვის
(თურქულის საწინააღმდეგო ვაქცინა)
CPV33651690**

სატენდერო დოკუმენტაცია

2014 წელი

ს ა რ ზ ე ვ ი

1.საკვალიფიკაციო მოთხოვნები _____	3
2. ტექნიკური დავალება მოსაწოდებელ საქონელზე _____	4
3. ელექტრონულად წარმოსადგენი ინფორმაციის ჩამონათვალი____	7
4.დამატებითი ინფორმაცია _____	8
5. სახელმწიფო შესყიდვის შესახებ ხელშეკრულების პროექტი____	9
6. დანართი #1(რეკვიზიტები)_____	15
7.დანართი #2 (ფასების ცხრილი) _____	16

1. საკვალიფიკაციო მოთხოვნები

1.1. იურიდიული პირისათვის, ამხანაგობისათვის და ინდივიდუალური მეწარმისათვის – ამონაწერი მეწარმეთა და არასამეწარმეო (არაკომერციული) იურიდიულ პირთა რეესტრიდან, რომელიც ადასტურებს, რომ პრეტენდენტის ქონებაზე არ არის რეგისტრირებული ყადაღა/აკრძალვა, საგადასახადო გირავნობა/იპოთეკა და პრეტენდენტი არ არის რეგისტრირებული მოვალეთა რეესტრში;

1.2. ფიზიკური პირისათვის – ცნობა ნასამართლობის შესახებ შესაბამისად უფლებამოსილი ორგანოდან, რომლითაც დასტურდება, რომ პირი არ არის ნასამართლევია საქართველოს სისხლის სამართლის კოდექსის XXVI (დანაშაული სამეწარმეო ან სხვა ეკონომიკური საქმიანობის წინააღმდეგ) და XXXIX (სამოხელეო დანაშაული) თავებით გათვალისწინებული ქმედებისათვის;

1.3. როგორც ფიზიკური ასევე იურიდიული პირისათვის – ცნობა შესაბამისი სასამართლოდან, რომელიც დაადასტურებს, რომ პრეტენდენტის მიმართ არ მიმდინარეობს გადახდისუნარიანობის (გაკოტრების) საქმის წარმოება.

1.4. არარეზიდენტმა პირმა უნდა წარმოადგინოს საკვალიფიკაციო მოთხოვნების გათვალისწინებული ინფორმაციის ექვივალენტური მონაცემები, რომლებიც სათანადო წესით იქნება დამოწმებული ან ლეგალიზებული.

1.5. 1.1.-1.3. პუნქტებში მითითებული დოკუმენტები რეზიდენტი პრეტენდენტებისთვის გაცემული უნდა იყოს, მოცემული ტენდერისათვის “წინადადებების მიღება დაწყებულია” ეტაპის დაწყების შემდეგ, ხოლო არარეზიდენტი პრეტენდენტებისთვის მოცემული ტენდერისათვის “წინადადებების მიღება დაწყებულია” ეტაპის დაწყებამდე არაუგვიანეს ოცდაათი დღისა.

2. ტექნიკური დავალება:

მსხვილფეხა და წვრილფეხა პირუტყვის თურქულის საწინააღმდეგო ვაქცინა – 1,635,000 დოზა.

2.1. ვაქცინა განკუთვნილი უნდა იყოს მხოლოდ მცოხნავი ცხოველების საინექციოდ. დოზის ერთეულად აღებული უნდა იყოს მსხვილფეხა პირუტყვის საიმუნოზაციო დოზა;

2.2. წვრილფეხა პირუტყვის საიმუნოზაციო დოზა არ უნდა აღემატებოდეს მსხვილფეხა პირუტყვის საიმუნოზაციო დოზის ნახევარს;

2.3. ვაქცინა უნდა იყოს თხევადი, სორბირებული, ინაქტივირებული, გაზრდილი BHK-21 უჯრედებზე, არანაკლებ სამვალენტო და უნდა შეიცავდეს შემდეგ სეროტიპებსა და აშესაბამის ქვეტიპებს:

Serotype A: A Tur 06 ან/და Iran 05

Serotype O: O PanAsia 2 ან/და O Manisaკომბინაციაში O4625 ან O3239-თან

Serotype Asia 1: Asia 1 Tur 11 ან/და Asia 1 Shamir

2.4. თურქულის ვაქცინის შემადგენლობაში შემავალ თითოეულ სეროტიპზე დამცველობითი დოზა მსხვილფეხა პირუტყვისთვის უნდა შეადგენდეს არანაკლებ 6PD50;

2.5. ვაქცინას მოწოდებისას თან უნდა ახლდეს:

- თითოეულ სერიაზე შესაბამისი ხარისხის სერტიფიკატი ან ამ სერტიფიკატის ექვივალენტური დოკუმენტი,
- GMP სერტიფიკატი,
- წარმოშობის სერტიფიკატი,
- ვაქცინის საქართველოში რეგისტრაციის დამადასტურებელი დოკუმენტი,
- ვაქცინის ინსტრუქცია და ვაქცინის დახასიათება.

2.6 დოკუმენტაციაში აუცილებლად უნდა იყოს მითითებული ფლაკონის გახსნიდან მისი გამოყენების ვადა, ვაქცინაციის სქემა;

2.6. დოკუმენტაცია წარმოდგენილი უნდა იყოს ქართულ, რუსულ ან ინგლისურ ენაზე;

2.7. თითოეულ ფლაკონში მზა ვაქცინის დაფასოება არ უნდა აღემატებოდეს 50 დოზას;

2.8. ვაქცინა დაფასოებული უნდა იყოს გამჭვირვალე ფლაკონში;

2.9. ვაქცინის ვარგისიანობის ვადა მოწოდების მომენტისთვის უნდა იყოს არანაკლებ 12 თვე;

2.10. გახსნიდან ვაქცინის გამოყენების ვადა უნდა შეადგენდეს არანაკლებ 8 საათს;

2.11. მომწოდებელი პასუხისმგებელია ვაქცინის ინსტრუქციით გათვალისწინებული შენახვის პირობების დაცვაზე. აგრეთვე, ვაქცინის მოწოდებისას მის მიერ წარმოდგენილი უნდა იყოს შესაბამისი

უფლებამოსილი სუბიექტის მიერ გაცემული დოკუმენტი, რომელიც ადასტურებს, რომ ვაქცინა ტრანსპორტირებისა და შემსყიდველისათვის მოწოდების მომენტისათვის ინახებოდა ინსტრუქციით გათვალისწინებული ტემპერატურული რეჟიმის პირობების შესაბამისად;

2.12. ვაქცინის ფლაკონის ეტიკეტზე ქართულ, ინგლისურ ან რუსულ ენებზე მითითებული უნდა იყოს მინიმუმ შემდეგი სახის ინფორმაცია: ვაქცინის დასახელება, ვაქცინის მოცულობა, სხვადასხვა სახეობის ცხოველებისათვის რეკომენდირებული დოზირება, ვაქცინის გამოშვების, ვარგისიანობის ვადა, ვაქცინის შემცველი სეროტიპები, სერიის ნომერი, ვაქცინის შენახვის პირობები და მისი გამოყენების მეთოდები, მწარმოებელი კომპანია და ქვეყანა,

2.13. ხოლო ვაქცინის ყუთზე ქართულ, ინგლისურ ან რუსულ ენებზე მითითებული უნდა იყოს შემდეგი სახის ინფორმაცია: ვაქცინის დასახელება, ყუთში ფლაკონების რაოდენობა, ვაქცინის გამოშვების თარიღი, ვარგისიანობის ვადა, ვაქცინის შემცველი სეროტიპები, სერიის ნომერი, ვაქცინის შენახვის პირობები, მწარმოებელი კომპანია და ქვეყანა;

2.14. ვაქცინა ცხოველის ორგანიზმში არ უნდა იწვევდეს 3ABC არასტრუქტურული ცილების (NSP) საწინააღმდეგო ანტისხეულების წარმოქმნას;

2.15. მზა ვაქცინებს გავლილი უნდა ჰქონდეს წარმოებისა და ხარისხის კონტროლი, რომელიც უნდა შეესაბამებოდეს ცხოველთა ჯანდაცვის მსოფლიო ორგანიზაციის OIE (სადიაგნოსტიკო ტესტებისა და ვაქცინების სახელმძღვანელო, გამოცემა 2011[1], თავი 1.1.8 და 2.1.5) და ევროპული ფარმაკოპეის (მონოგრაფია 0063) სტანდარტებს.

2.16. თურქულის საწინააღმდეგო ვაქცინის (1,635,000 დოზა) მოწოდება შესაძლებელია განხორციელდეს როგორც ერთიანად (ხელშეკრულების გაფორმებიდან არაუგვიანეს ერთი თვის ვადაში) ასევე ეტაპობრივად:

- ✓ პირველი ეტაპი - არანაკლებ 635,000 დოზა, ხელშეკრულების გაფორმებიდან არაუგვიანეს ერთი თვისა.
- ✓ მეორე ეტაპი - დარჩენილი რაოდენობა ვაქცინებისა, ხელშეკრულების გაფორმებიდან არაუგვიანეს ორი თვისა.

- მიმწოდებელმა უნდა უზრუნველყოს საქონლის მიწოდება და დასაწყობება შემდეგ მისამართზე: ქ. თბილისი, მარშალ გელოვანის #6 ან/და ქ. უთაისი, შემსყიდველის გადაწყვეტილებით.

- სატენდერო წინადადების ღირებულება უნდა მოიცავდეს საქონლის მიწოდებისათვის საჭირო ყველა ხარჯს, მათ შორის საქართველოს კანონმდებლობით გათვალისწინებულ ყველა შესაბამის გადასახადს დღგ-ს გარეშე;

- გამარჯვებულმა პრეტენდენტმა ხელშეკრულების გაფორმებამდე უნდა წარმოადგინოს ხელშეკრულების უზრუნველყოფის გარანტია ან **დაზღვევა** ხელშეკრულების ღირებულების **3%-ს** ოდენობით, რომლის მოქმედების ვადა ერთი თვით უნდა აღემატებოდეს ხელშეკრულების მოქმედების ვადას.

- იმ შემთხვევაში, თუ გამარჯვებული პრეტენდენტის სატენდერო წინადადების ღირებულება **20%-ით ნაკლები** იქნება შესყიდველის მიერ გამოცხადებულ სავარაუდო ღირებულებაზე, პრეტენდენტი უნდა წარმოადგინოს ხელშეკრულების უზრუნველყოფის გარანტია ან დაზღვევა ხელშეკრულების ღირებულების 10%-ის ოდენობით, რომლის მოქმედების ვადა ერთი თვით უნდა აღემატებოდეს ხელშეკრულების მოქმედების ვადას.
- ტენდერში დაიშვება წინასწარი ანგარიშსწორება ხელშეკრულების ღირებულების 30%-ის ფარგლებში. მოცემულ შემთხვევაში მიმწოდებელმა უნდა წარმოადგინოს წინასწარ გადასახდელი თანხის ოდენობის **საბანკო დაწესებულების საბანკო გარანტია**, რომლის მოქმედების ვადა ერთი თვით უნდა აღემატებოდეს ხელშეკრულების მოქმედების ვადას.
- ანგარიშსწორება განხორციელდება მიღება-ჩაბარების აქტის გაფორმებიდან 20 კალენდარული დღის განმავლობაში;

- **საქონლის შესყიდვის სავარაუდო ღირებულება – 1,635,000 ლარი დღგ-ს გარეშე.**

სახელმწიფო შესყიდვების ერთიან ელექტრონულ სისტემაში სატენდერო წინადადების წარდგენით პრეტენდენტი ავტომატურად გამოხატავს თანხმობას ამ პუნქტით განსაზღვრულ მოთხოვნებზე

3. პრეტენდენტის ტექნიკური დოკუმენტაცია - ელექტრონულად წარმოსადგენი ინფორმაციის ჩამონათვალი

პრეტენდენტის მიერ სისტემაში ატვირთული ტექ.დოკუმენტაცია უნდა შეიცავდეს შემდეგ ინფორმაციას:

- 3.1. ვაქცინის ინსტრუქცია, დახასიათება (ქართულად ნათარგმნი და ნოტარიულად დამოწმებული), რომელიც აუცილებლად უნდა შეიცავდეს ინფორმაციას ფლაკონის გახსნიდან მისი გამოყენების ვადის შესახებ.
- 3.2. მწარმოებლის GMP სერტიფიკატი;
- 3.3. ცნობა მწარმოებლისგან პრეპარატის წარმოშობის შესახებ;
- 3.4. პრეტენდენტის რეკვიზიტები (სრული დასახელება, საბანკო რეკვიზიტები, იურიდიული და ფაქტიური მისამართი, ელ.ფოსტა, საკონტაქტო ტელეფონი, ხელმძღვანელისა და/ან ხელმოწერაზე უფლებამოსილი პირის ვინაობა) – დანართი #1;
- 3.5. პრეტენდენტის შესაბამისად უფლებამოსილი პირის მიერ ხელმოწერილი და ბეჭდით დამოწმებული ტექნიკური დავალების შესაბამისად შედგენილი ფასების ცხრილი (დანართი #2)*;

**ელექტრონულ სისტემაში ასატვირთი ყველა დოკუმენტი უნდა იყოს ხელმოწერილი
პრეტენდენტის ხელმძღვანელის ან შესაბამისად უფლებამოსილი პირის მიერ და
დამოწმებული ბეჭდით.**

4. დამატებითი ინფორმაცია

4.1. სხვა ინფორმაცია და განმარტებები შესაძლებელია მიღებულ იქნეს შემდეგი საკონტაქტო პირისაგან:

გერონტი ფრუიძე
თბილისი, მარშალ გელოვანის #6,
სურსათის ეროვნული სააგენტო;
ოთახი #20
ტელ: 2 91 91 67 (შიდა 130); 599 38 14 06

ალტერნატიული წინადადებები არ განიხილება

სახელმწიფო შესყიდვის შესახებ

ხელშეკრულება

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად.

წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

ქ. თბილისი

2014 წ.

ერთის მხრივ *საქართველოს სოფლის მეურნეობის სამინისტროს სსიპ – სურსათის ეროვნული სააგენტო* (შემდგომში “შემსყიდველი”) წარმოდგენილი მისი უფროსის ზურაბ ჩეკურაშვილის სახით და მეორეს მხრივ, _____ (შემდგომში “მიმწოდებელი”) წარმოდგენილი მისი _____ სახით, “სახელმწიფო შესყიდვების შესახებ” საქართველოს კანონისა და პრეტენდენტის (დასახელება) სატენდერო წინადადების საფუძველზე, გამარტივებული ელექტრონული ტენდერის ჩატარების შედეგად დებენ წინამდებარე სახელმწიფო შესყიდვების შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინებს აქვთ შემდეგი მნიშვნელობა

1.1. “ხელშეკრულება სახელმწიფო შესყიდვის შესახებ” (შემდგომ - “ხელშეკრულება”) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.

1.2. “ხელშეკრულების ღირებულება” - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ნაკისრი ვალდებულებების სრული და ზედმიწევნით შესრულებისთვის.

1.3. “დღე”, “კვირა”, “თვე” - კალენდარული დღე, კვირა, თვე.

1.4. “საქონელი” – ხელშეკრულების მე-2 მუხლით გათვალისწინებული ხელშეკრულების საგანი.

1.5. “არაჯეროვანი მიწოდება” - ხელშეკრულების მიზნებიდან გამომდინარე მიმწოდებლის მხრიდან შემსყიდველისათვის ისეთი სახის საქონლის მიწოდება, რომელიც შეესაბამება ხელშეკრულების მე-2 მუხლით გათვალისწინებულ საგანს, თუმცა ბოლომდე არ აკმაყოფილებს აღნიშნული ხელშეკრულების ყველა პირობას.

1.6. “ტექნიკური დავალება” - სატენდერო დოკუმენტაციის ტექნიკური დავალება, რომელიც დაერთვება ხელშეკრულებას, როგორც მისი განუყოფელი ნაწილი.

1.7. “ტექნიკური დოკუმენტაცია” - მიმწოდებლის მიერ ტენდერში წარმოდგენილი ტექნიკური დოკუმენტაცია, რომელიც დაერთვება ხელშეკრულებას, როგორც მისი განუყოფელი ნაწილი.

2. ხელშეკრულების საგანი

2.1. ხელშეკრულების საგანს წარმოადგენს თურქულის საწინააღმდეგო ვაქცინის (1,635,000 დოზა) მიწოდება;

2.2. ვაქცინების მიწოდების პირობების აღწერა მითითებულია ტექნიკურ დავალებაში.

- CPV33651690

3. ხელშეკრულების ღირებულება

3.1. ხელშეკრულების ჯამური ღირებულება შეადგენს _____ (თანხა სიტყვიერად) ლარს.

3.2. ხელშეკრულების ჯამური ღირებულება მოიცავს ხელშეკრულებით გათვალისწინებული საქონლის მიწოდებასთან დაკავშირებულ მიმწოდებლის ყველა ხარჯს, მათ შორის საქართველოს კანონმდებლობით გათვალისწინებულ ყველა შესაბამის გადასახადებს.

3.3. ხელშეკრულება ფინანსდება სახელმწიფო მიზნობრივი ქვეპროგრამის “ეპიზოოტიური კეთილსაიმედოობა და ცხოველთა იდენტიფიკაცია-რეგისტრაცია”-ს ფარგლებში.

4. საქონლის მიწოდების ვადები და ადგილი

4.1. თურქულის საწინააღმდეგო ვაქცინის შესასყიდი რაოდენობა – 1,635,000 დოზა ვაქცინის მიწოდება შესაძლებელია განხორციელდეს ეტაპობრივად:

- ✓ პირველი ეტაპი - არანაკლებ 635,000 დოზა ხელშეკრულების გაფორმებიდან არაუგვიანეს ერთი თვისა.
- ✓ მეორე ეტაპი - დარჩენილი რაოდენობა ვაქცინებისა, ხელშეკრულების გაფორმებიდან არაუგვიანეს ორი თვისა.

4.2. ვაქცინების მიწოდების ადგილია – სურსათის ეროვნული სააგენტო, თბილისი, მარშალ გელოვანის #6 ან/და ქ. ქუთაისი, შემსყიდველის გადაწყვეტილებით.

5. მიღება-ჩაბარების წესი

5.1. მხარეებს შორის საქონლის მიწოდებაზე გაფორმდება მიღება-ჩაბარების აქტი შესაბამისი ღირებულების ასახვით;

5.2. შემსყიდველის მხრიდან მიღება-ჩაბარების აქტზე ხელმომწერი უფლებამოსილი პირი არიან კონტროლის განმახორციელებელი ჯგუფის წევრები.

6. ანგარიშსწორების პირობები

6.1. მიმწოდებელთან ანგარიშსწორება განხორციელდება ეროვნულ ვალუტაში, შესაბამისი მიღება-ჩაბარების აქტის გაფორმების შემდეგ.

6.2. ანგარიშსწორების ფორმა იქნება – უნაღდო.

6.3. ანგარიშსწორება მოხდება 20 დღის განმავლობაში მიღება-ჩაბარების აქტის გაფორმებისა და სათანადო საგადახდო დოკუმენტების შემსყიდველისთვის მიწოდების თარიღიდან (იმის მიხედვით რომელი უფრო გვიან მოხდება).

6.4. შესაძლებელია გამოყენებულ იქნას წინასწარი ანგარიშსწორება ხელშეკრულების ღირებულების 30%-ის ფარგლებში. მოცემულ შემთხვევაში მიმწოდებელმა უნდა წარმოადგინოს წინასწარ გადასახდელი თანხის ოდენობის საბანკო დაწესებულების საბანკო გარანტია, რომლის მოქმედების ვადა ერთი თვით უნდა აღემატებოდეს ხელშეკრულების მოქმედების ვადას.

7. მხარეთა უფლება-მოვალეობები

7.1. შემსყიდველი უფლებამოსილია ნებისმიერ დროს შეამოწმოს მიმწოდებლის მხრიდან ხელშეკრულების პირობების შესრულება;

7.2. შემსყიდველი ვალდებულია გადაიხადოს საქონლის ღირებულება ხელშეკრულების პირობებისა და ვადის გათვალისწინებით;

7.3. მიმწოდებელი უფლებამოსილია მოსთხოვოს შემსყიდველს მიწოდებული საქონლის ღირებულების ანაზღაურება ხელშეკრულების პირობებისა და ვადის გათვალისწინებით;

7.4. მიმწოდებელი ვალდებულია:

7.4.1. შემსყიდველს მიაწოდოს დადგენილი ხარისხითა და სტანდარტების საქონელი;

7.4.2. გადასცეს შემსყიდველს უფლებრივად და ნივთობრივად უნაკლო საქონელი.

7.4.3. უზრუნველყოს საქონლის ისეთი შეფუთვა, რომელიც დაიცავს მას დაზიანების ან გაფუჭებისაგან საქონლის მიწოდების ადგილამდე ტრანსპორტირების პროცესში. შეფუთვამ უნდა გაუძლოს ინტენსიურ ამწევ-გადასატვირთ ზემოქმედებას, გადატვირთვის დროს ნალექის ზემოქმედებას, ასევე ღია ცის ქვეშ შენახვას. საქონელი უნდა იყოს შეფუთული და მარკირებული საერთაშორისო სტანდარტების თანახმად; შეფუთვაზე მითითებული უნდა იყოს პრეპარატების სავაჭრო სახელწოდება, წონა, დაფასოების თითოეულ ერთეულზე მითითებული უნდა იყოს პარტიის ნომერი,

გამოშვების ვადა. პრეპარატები დაფასოებული უნდა იყოს სტანდარტულ, მარკირებულ ტარაში, თითოეული არაუმეტეს 50 დოზისა. თითოეულ ყუთს ან კოლოფს უნდა ახლდეს პრეპარატის გამოყენების ინსტრუქცია.

8. ხელშეკრულების კონტროლი

8.1. მიმწოდებლის მიერ სახელმწიფო შესყიდვების შესახებ ხელშეკრულებისა და მასში შემავალი დოკუმენტების პირობების შესრულებაზე კონტროლს განახორციელებს შემსყიდველის მხრიდან განსაზღვრული პირ(ებ)ი;

8.2. ხელშეკრულების პირობების შესრულების კონტროლის განმახორციელებელი პირ(ებ)ის ფუნქციაა მისაწოდებელი ან/და მიწოდებული საქონლის მოცულობის, ხარისხისა და მიწოდების ვადების ხელშეკრულების მოთხოვნებთან შესაბამისობის დადგენა;

8.3. ხელშეკრულების პირობების შესრულების კონტროლის განხორციელება შესაძლებელია ხელშეკრულების შესრულების ნებისმიერ ეტაპზე.

8.4. მიმწოდებელი ვალდებულია საკუთარი რესურსებით უზრუნველყოს ხელშეკრულების პირობების შესრულების კონტროლის განხორციელებისთვის აუცილებელი პერსონალის და ტექნიკური საშუალებების გამოყოფა, ასევე უზრუნველყოს საჭირო სამუშაო პირობები.

8.5. ყველა გამოვლენილ ნაკლოვანებათა აღმოფხვრასთან და კონტროლის ხელახლა განხორციელებასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

9. ხელშეკრულების საგარანტიო უზრუნველყოფა

მიმწოდებლის მიერ წარმოდგენილია ხელშეკრულების უზრუნველყოფის გარანტია ან დაზღვევა ხელშეკრულების ღირებულების 3%-ს ოდენობით, რომლის მოქმედების ვადა ერთი თვით აღემატება ხელშეკრულების მოქმედების ვადას. აღნიშნული საგარანტიო უზრუნველყოფიდან მოხდება მიმწოდებლის ბრალით გამოწვეული ზიანის ანაზღაურება, მათ შორის ხელშეკრულების მე-11 მუხლით გათვალისწინებული პირგასამტეხლობისა.

10. გარანტია

მიმწოდებელი იძლევა გარანტიას, რომ მის მიერ მოწოდებული საქონელი იქნება ხარისხიანი, საერთაშორისო სტანდარტების, ტენდერის ტექნიკურ დავალებაში მითითებული მოთხოვნების სრულ შესაბამისობაში, წინააღმდეგ შემთხვევაში მიმწოდებელი ვალდებულია საკუთარი სახსრებით გამოასწოროს ნაკლი.

11. პირგასამტეხლო ხელშეკრულების პირობების შეუსრულებლობისავის

11.1. მიმწოდებლის მხრიდან ხელშეკრულების 4.1. პუნქტით გათვალისწინებული ვადის დარღვევის შემთხვევაში, მას დაეკისრება პირგასამტეხლო მოსაწოდებელი საქონლის ღირებულების **0.1%** ოდენობით, ყოველ ვადაგადაცილებულ დღეზე;

11.2. მიმწოდებლის მხრიდან ხელშეკრულების არაჯეროვნად შესრულების შემთხვევაში, მას დაეკისრება პირგასამტეხლო ხელშეკრულების ჯამური ღირებულების 1% ოდენობით ყოველ კონკრეტულ შემთხვევაზე;

11.3. ხელშეკრულების 11.1. და 11.2. პუნქტებით გათვალისწინებულ შემთხვევაში შემსყიდველს არ ევალება ხელშეკრულების 6.3. პუნქტში მითითებული ვადის დაცვა. მიმწოდებლისთვის თანხის გადახდა მოხდება პირგასამტეხლოს გადახდის დამადასტურებელი საბუთის წარმოდგენიდან 30 დღის განმავლობაში;

11.4. ხელშეკრულებით ნაკისრი ვალდებულების შეუსრულებლობის შემთხვევაში მიმწოდებელს ეკისრება პირგასამტეხლო ხელშეკრულების ჯამური ღირებულების 10% ოდენობით;

11.5. თუ ხელშეკრულების 11.1. და 11.2. პუნქტებით გათვალისწინებული პირგასამტეხლოების თანხა გადააჭარბებს ხელშეკრულების ჯამური ღირებულების 3%, შემსყიდველ უფლება აქვს ცალხრივად შეწყვიტოს აღნიშნული ხელშეკრულება.

11.6. პირგასამტეხლოების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

12. ხელშეკრულებაში ცვლილებების შეტანა

12.1. ხელშეკრულების ნებისმიერი ცვლილების/დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

12.2. ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით და “სახელმწიფო შესყიდვების განხორციელების შესახებ” დებულების 25-ე მუხლით გათვალისწინებული შემთხვევებისა.

12.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების არსებული ჯამური ღირებულების 10%-ზე მეტი ოდენობით.

12.4. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

13. ხელშეკრულების შეწყვეტა

13.1. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში, მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ.

13.2. ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

13.3. თუ შემსყიდველისათვის ცნობილი გახდა, რომ მიმწოდებელი მისგან დამოუკიდებელი მიზეზების გამო ვერ უზრუნველყოფს ხელშეკრულებით ნაკისრი ვალდებულებების შესრულებას, შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ;

13.4. შემსყიდველის დაფინანსების წყაროს შემცირების ან დაგეგმილი შემოსავლების ნაკლები რაოდენობით მიღების შემთხვევაში (თუკი ხელშეკრულებით გათვალისწინებული ფინანსური ვალდებულებების უზრუნველყოფა გათვალისწინებული იყო ამ შემოსავლებიდან), შემსყიდველს უფლება აქვს შეწყვიტოს ხელშეკრულება;

13.5. ხელშეკრულების შეწყვეტა პირობების დარღვევის გამო არ ათავისუფლებს მხარეებს ხელშეკრულების შეუსრულებლობისათვის გათვალისწინებული პასუხისმგებლობისაგან.

13.6. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

14. დაუძლეველი ძალა

14.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დუძლეველი ძალის ზეგავლენით.

14.2. თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებების შეუსრულებლობით გამოწვეული პასუხისმგებლობისაგან.

14.3. მხარეთა ვალდებულებები და პასუხისმგებლობა განხლდება დაუძლეველი ძალის მოქმედების დასრულებისთანავე.

15. სხვა პირობები

15.1. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

15.2. ხელშეკრულება შედგენილია ქართულ ენაზე, სამ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი პირი მიმწოდებელთან და ორი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

15.3. გამარჯვებული პრეტენდენტის მიერ წარმოდგენილი სატენდერო წინადადება და დანართები წარმოადგენს ხელშეკრულების განუყოფელ ნაწილს.

შემსყიდველი

მიმწოდებელი

რეკვიზიტები

პრეტენდენტის დასახელება:	
საიდენტიფიკაციო კოდი:	
იურიდიული და ფაქტიური მისამართი:	
ელ.ფოსტა:	
საკონტაქტო ტელეფონები:	
ხელმძღვანელისა და/ან ხელმოწერაზე უფლებამოსილი პირის ვინაობა:	
საბანკო რეკვიზიტები	
ბანკის დასახელება:	
ბანკის კოდი:	
ა/ანგარიშის #:	

უფლებამოსილი პირის ხელმოწერა და ბეჭედი _____

ფასების ცხრილი

საქონლი (საფირმო სახელწოდება)	საქონლის ძირითადი მახასიათებლები	წარმოშობის ქვეყანა	რაოდენობა	ერთეულის ფასი	საერთო ღირებულება	მიწოდების ვადა
1	2	3	4	5	6	7

უფლებამოსილი პირის ხელმოწერა და ბეჭედი _____